

許夢賢君惠存

地 811
9274
部 =

燕京紀遊

劉先署
籤

固
固

國
整
庫

燕京紀游叙

合浦 張子景齋性情誠摯品學優長以挖揚風雅之才據悲
閔天人之志自北遊以來凡上國偉觀名山古蹟芳蹤所屆珥
筆綦詳尤於土俗之劣僿民生之凋零三致意焉於此知其所
蘊因深所見遠大也邇者留寓都門業益脩養益邃而詰嗣孟
新仲新皆能養志承歡門以內雍如藹如且篤於友誼賓朋雅
集饒有孔座陳榻之風宿雨初晴甫訂香山之約因鄙人南謁
松楸更欲偕覽龍峰鴻溝黃河嵩華諸勝嗟乎春風沂水伐木
嚶鳴 張子之遊乃自適其天遊無盡境紀之者亦無盡境也
向平禽慶夫豈異人任哉爰爲之敘甲寅大暑前七日福祿周

燕京紀游 敘

嵩年識於地安門外瀛定橋之熊濤軒

濂自閩北來卽聞幽燕多登臨之美而瓊島太液圓明頤和昆
明西山明陵諸景爲尤佳及履都中益欲往觀以慰素念人事
旁午願莫之償會值同寓有嶺南 張景齋先生情志高尚樂
山水善詩文每歷勝蹟輒賦新編寄托遙深詳記事實於京畿
形勢風土人情政教民生有關繫焉昔司馬子長喜覽名山大
川爲文有奇氣宗少文好游一邱一壑皆在壁間今 先生具
子長少文之襟懷觀感益多而著述彌富正宜將登臨所得公
諸世也旣以近作燕京紀遊見示濂敢不辭而敘其緣起於此
古閩後學黃家濂謹識

嶺南張君孟新曾同予肄業於陸軍大學校昕夕相處有年矣其尊人景齋先生於壬子北來徧覽都中名勝錄而存之哀然成帙乃出燕京紀游示予受而讀之寫山川風物之形寓古今興亡之感旨遠辭文爲世龜鑑豈徒飲終北神漢讀秦望碑文已哉將以備志乘蒐羅應史家徵討也予雖未時聆先生教言然於其素履知之稔矣夫先生以淵懿之學康濟之才假使置身通顯本其素所蘊蓄見諸行事將蔚爲勛業照耀寰宇豈僅發抒於文字耶偃蹇未遇亦可慨矣然哲嗣孟新君承先生之志行將宏我漢京則先生之遯世無悶也亦宜輝不文謹弁言簡端以告讀斯編者蜀中後學楊吉輝識

余赴養都門在苒三載愧無維新之建設將至知非之年華顧惜駒光不願自懶每於補習舊學應付求診之餘尋玩京畿名勝輒記景物間附詠吟稍抒鑒觀興廢戒侈勸業之思微寓採訪風俗攷證見聞之志筆墨叢積隨由佚遺兒輩恤之蒐請訂印姑爲認許因名曰燕京紀游自知摘辭未工豈足爲情同愛游者之資料不過聊存爪迹對此薊樹燕雲而已時中華民國三年八月初旬合浦張肇崧自序於北京西四牌樓禮路胡同他山別墅

景齋先生小照



珠池精英嶺嶠秀靈鍾毓斯以
道範端凝幽燕羈旅蹤追謁陵
司馬好遊班固善記明夷待訪
郡國利弊斯相斯編光輝寰宇

甲寅初秋後學顧清選謹題

燕京紀遊目次

頤和園遊記

安定門孔廟即景詩

遊瓊島記

除日雪霽遊萬生園一律

重遊頤和園記

遊圓明園詩序

雍和宮書感詩

陶然亭懷古二律

遊昌平明陵記

燕京紀遊目次

白雲觀感事詩

西山遊記

靜明園紀遊詩二十五首并引

香山碧雲寺即景十八韻

臥佛寺感懷一首

靜宜園遊記

男國
日元校字

燕京紀遊

合浦 張肇崧



頤和園遊記

婉然擁燕京右偏羅列於圓明暢春靜宜靜明數園後者爲金爲甕爲香爲瓔珞爲玉泉等山玉泉之泉噴薄趵突源尤旺盛滙於乾隆帝所拓鑿之昆明湖湖上聳秀爲萬壽山因麓畔清漪怡春諸苑址擴充壯麗即慈禧后所脩築之頤和園民國肇興始聞開放癸丑元月二日大雪降餘因與東莞周亦峨鳳鳴游焉

初入菴秀涵虛門驗票到仁壽殿觀慈禧題額曰大圓寶鏡庭

燕京紀遊記

列栢松怪石銅質龍鳳養魚盤西度玉瀾門屈曲闌下湖水曠約二十餘里已結冰晶光鏡色印人跡數行南對文昌閣龍王宮蟠蜒冰上者十七拱橋也繞闌循曲廊至榆林堂乾隆有扁曰日月澄輝聞爲前帝后理政處慈禧亦有扁曰航樓映日西北爲避暑樓再入爲煙雲獻彩殿階橫巍石窠突玲瓏高廣約丈餘相傳爲乾隆時移自南京者再入爲樂壽堂俯池憑山懸慈禧扁曰雲和慶韻曰景福來昇過西廊又有扁曰函海養春曰玉祉攸集再行至排雲殿扁曰萬壽無疆睇繡欄內几榻羅珍品金光玉璨是殆前后燕寢所乎
旋步迤西歷院門至長廊據宮人言曲折共有二百七十二尺

五尺一欄門上呈畫筆備極殊異旁夾槎斫木石左峙德暉殿
陟層磴約四五十級積雪滑封盤折高下黏蹋磊孔歷銅亭到
佛香閣壁間環嵌琉璃像數百上綴乾隆扁曰智慧海曰導養
正性曰雲外天香曰氣象昭回兩傍分峙轉輪藏亭亦峩鳳鳴
手弄旋動如蟻磨也

俯瞰皎影照映山原閣右竦高碑乾隆御筆曰萬壽山昆明湖
字大徑尺旁鐫詩詞閣後有殿曰衆香界回行向東經萬象光
昭堂扁曰雲輝玉宇曰登祥薦祉亦乾隆所題下左巷鑽行石
窺似乍登閣時忽聞窈騰婦女駭笑聲欲待攜扶前去者鳳鳴
年穉近前操粵話云惜無記得帶枝洋燭來特踴躍放步踢落

幽石間衆始尾之魚貫模索徐行可數折研然啓明予以鉛筆
寫石壁紀某年月日某游至此

出逕外下某亭

失扁宮人
稱為石丈

觀徐會澄楷書一幅筆致樸茂向西行

經聽鸞館扁曰愛山又西爲畫中樓扁曰金支秀華旁起寄瀾
堂煙嶼清晏舫諸亭榭疑皆乾隆帝所建故名額多其手書清
晏舫之樓白石雅潔游者遞登降泊嵌湖冰適逢美國潘慎章
與數西婦憩息共茗談潘謂所游寰球名園工靡以是爲最惟
飾裝寶物多已失去不似當年予則別有感懷以此園在慈禧
生前年費一千餘萬脩建鉅力已可自開一軍港或一鑛穴一
商場乃徒事晏遊窮奢極侈以供佚樂之用所由變爲曠閒累

遭兵燹搜掠之浩劫也

宮人述庚子之變寶器被掠無遺現所存留俱西安回鑾後所置亦多散失

下樓向

東度叢林有乾隆所題之阿閣曰山色湖光共一樓及雲松巢含新亭諸處而旁轟數層懸慈禧御筆曰承平豫泰曰驩臚榮曝乃戲院也對峙為頤樂殿亦御居聽樂所左蔚景福閣又左曰德和殿各屏陞扉檻間多附扁聯綺語悉屬乾隆慈禧兩帝后所題有璽印為據寒暄黯澹二周敦促返城未暇一一詳錄

安定門孔廟即景詩

名題燕石何處多城北孔廟碑森羅至順初年迄光緒內有元至順二年碑遞鐫貢士登巍科一科一碑接踵立數共呈二百九十另列十一碑在亭前清羣帝紀沿襲櫺間又有勒兩隅左一乾隆言釋

燕京紀遊記詩

三

儒右額瑋辭與神筆

屏間左勒一碑乾隆所題瑋辭神筆四字精刊

張照書髯蘇蘇詩工詠周石鼓

碑內刻有蘇東坡石鼓詩鼓十皆向此團聚

蝌蚪痕蝕三千年存三百十字不腐內屏分擺各五箇獨有居

左上層破

左邊一鼓上半截已經中斷

綜觀黑質光堅凝輪囷宛肖覆春磨外

堆十箇形圓瑩製者乾隆鏤頂平文仿宣王史籀樣近排聖殿

依大成古遺繁蔭蔚叢栢中現幹周卅餘尺云是元人手植留

內一古柏大七八圍相傳許謙所植

根盤冰雪積階石升堂瞻仰宣尼容幽壁欲壞

埃塵封爐冷篆煙故龕敝音樂寂歇鐘磬鏞誰猶虔祀獻樽俎

國學闋闕旁鬢序

右為國子監署

鄰賸潛邸雍和宮

左為雍和宮

圖經香玉

亦空貯

游瓊島記

癸丑春京師改南海故宮爲總統府就禁垣南啓新華門三月念四五六等日部令軍政學界持票者入觀此特別美舉也時余赴津返京已念七適聞中海玉河橋弛禁許小車通行可望西苑因與蜀中王紉盒由西安門往金鰲坊至橋北觀波光瀲灩浮翠紉盒謂是即春明夢餘錄所云金人開挑之海子一名太液池其中聳秀巍然者爲舊志所云金人移自蒙古而明宣宗廣寒殿記則謂徙自汴京乃宋之艮嶽焉頂矗高塔景致幽峭情怡欲游

於是共經玉竦坊繞向北驗票入承光殿門連接環堞古構崇闕斯殆宣德天順間楊士奇韓雍輩賜遊西苑記所稱圓殿雲城乎內駐禁兵未入覽過積翠堆雲橋詣永安寺有殿曰法輪松柏葱蘢雜卉掩映仰登層磴卅六級得平旁峙引勝滌靄亭摩讀豐碑左右分記諸景中有慧根圓相門扁曰龍光徧堆怪石曲穿巖隙或窄或寬或斜欹或橫覆忽深忽淺忽晦忽明備極靈巧狀進出鑽尋頻會原處東偏穴口碑鐫巨字曰崑崙石背刻乾隆御筆詩

左列雙碑一記順治八年始建白塔於此山一記雍正十一年重脩白塔事字分漢蒙文頗簡畧復循石洞盤屈東出至半山有見春亭扁曰霏玉曰梢雲又東起般若香臺屏寫殊利發願

經下爲交翠庭智珠殿又下爲半月城上則巒影亭相對爲古遺堂稍南即看畫廊前泐石幢四字曰瓊島春陰背亦刻詩回步向南經雲依意遠二亭前爲正覺後則普安東則聖果西則宗鏡各殿自普安升磴五十級有亭曰振芳曰慧日又曰蓬壺挹勝附近悅心殿其側有靜憩軒左起慶霄樓轉尋石磴再升七十級有殿曰善因覓廣寒仁智舊殿之遺痕已杳不可得以上題名俱乾隆御筆

善因殿隅列左右廿級之石梯俯與磴接下排木虎上嵌三面殿牆現黃琉半身像約數百南面扁以青銅闌內設巍座金光炫耀中有一似人非人突睛獠牙猙獰雜采物合前後左右數

頭面爲上下一首耳目眉額口鼻之類尤多垂戴羽盔項繫人首數十爲一串如瓔珞各手分持干戈劍戟弓矢彈丸旛旄諸軍用器對外作威武形袞拂龍鱗足亦多數或靴履跣跣禽也獸也虵也蝮也諸動物蹄爪趾甲下承以層伏冠纓袍笏與裸袒赤體各類人儼呈壓懾帖然羣相服從之狀況旁侍數銅像極作恭順獻媚容外環石闌四眺京畿景現眼底北距丈餘起崇塔高約十數丈周逕可數尋下類圓柱上肖覆鐘頂呈灰皚垂琉樣噪集群鴉塔身之南作長形門封以磚多啓微孔蓋即清初以藏信礮之處也

攷茲山得名雖因改建白塔然按日下舊聞北平圖經宸垣識

略等書與乾隆碑記知此地昔爲軒轅唐堯所建都在周爲燕
乃召公敷治之境秦爲廣陽郡漢復名燕賜封盧縮唐曰范陽
石晉以賂契丹金設燕京始築斯爲瓊華島還宋改稱燕山旋
又奪取遼建中都別名瑤嶼元作大都謂爲萬歲山或謂萬壽
山明清因之或謂良嶽謂太山子謂白塔山謂瓊島歷經朝代
名目綦多老狀爛斑雖不逮頤和園之萬壽山色澤妍麗而玲
瓏森厚蒼古雄秀中鎮京師城池宮闕官府人民億萬戶形勢
則仍舊尊崇勝於左峙之景山爲右列之西山所環拱焉
游至塔旁觀旗俗於桿畔豎綴飛幡爲隆裕新喪挂孝紉盒輒
呼先朝帝后魂兮歸來予因吟詩三首云

山名萬歲復何論瞬改明清似宋元帝制旣更君后死王孫
合到此招魂

巔頂終留塔影我液池仍受日光多羣鷗未覺滿清沒依舊
蘋間戲綠波

俯瞰京華靜倚闌輭塵香霧徧迷漫苑中偏有山林氣潛慰
幽人冷眼看

旋由東迤北轉向西南歷洞壑厂林間有邀山亭酣古堂寫妙
石室盤嵐精舍循羊腸筱徑緣飛廊遞經環碧樓嵌巖室小山
亭即一壺天地繞步至扇面房即延南薰稍憩樹石畔春風翕
習吹至一縷幽芬微聞笑語音仰觀塔際現不丁數游者妍影

飄揚掩映雲樹豈此真遠之蕭太后梳妝臺抑爲金章宗與李

宸妃露坐詠月處

山府志謂萬寧宮有瓊華島上爲廣寒殿元遺

與章宗露坐上日二人土上坐

妃應曰一月日遊明上大悅 及元順帝爲英英特起采芳館

遺址也

密邇乎延南薰旁爲小崑邱畝鑑室有伏流側留古井近詩銅
像承露臺卽乾隆帝譏漢武求仙謂取露不若荷葉之易者其
西爲得性樓延佳精舍抱冲室鄰山書屋道寧齋而平仄間接
東有漪瀾堂倚晴樓西有分涼閣碧照樓遠航閣又西爲蓮華
室甘露殿水精域揖山亭蟠青室一房山閱古樓琳光殿妙鬢
雲峯與梁柱泐詩之小石亭石橋諸處古構連續不下數百間

燕京紀遊詩

七

大半欲頽隱著舊豔若閱古樓內迴廊旋梯上達環壁秘藏三
希堂碑帖列歷朝名人手筆數百種奇妙紛呈尤以王右軍快
雪時晴及奉勅書魏太尉鍾隸千字文爲最擬相久玩因堞西
紅日冉冉欲沈遂與紉盒回陟塔南眺望晚景乃遞降善因普
安悅心法輪各殿證共歷一百七十餘層還向太液橋依遲而
出承光門焉

除日雪霽遊萬生園一律

城圍西北駐遊車舊禁今欣逐歲除民國園開公衆翫王侯苑

改士農居

此本三貝子花園今改爲農事試驗場

物羅動植珍奇聚人踴瓊瑤步履徐

雪地冰天呈麗日映將橋梓影形如

長男隨同橋間攝影

重游頤和園記

憶從歲首乘寒游頤和園值陰歷中冬昆明湖冰平鋪如鏡僅西南一角猶現青波綜覽巖林原澤巒囿殿宇間皆呈肅穆森嚴氣象而陟翫銅亭石洞佛香閣衆香界諸境蘊蓄奧妙但三四小時循行亦但山南一方面緣曳重裘蹭蹬履雪畏滑步遲限於日短迫還幾歎茲山好景已儘入目孰意尙有西與北與東溪山宮苑花木天然之致爲未親歷者臆想所不到歟瞬閱十旬喜償舊款特將此會之四月十一日風和曦暖重來園裡自南而西而北轉向東區所得景狀不厭瑣繁並錄長男助記諸扁聯爲徵實之材料分三段紀吟如後

(一)是晨由北京城雜游人紛紛出西直門馳行約廿里經海淀至菴秀涵虛坊萬壽山下駐車驗票入仁壽殿庭折向西南觀湖波漾翠橋影沈浮園僮告曰竦立橋畔爲八角亭南峙龍王廟連綴如蛟虬迤東列長垣內呈坦地還接殿側橋亭有聯云窗迎紫翠千峰月簾捲玻璃萬頃秋折而北經玉瀾門西行沿湖欄至榆林堂避暑樓聯云綠槐樓閣山蟬響青草池塘彩燕飛又云風生閶闔春來早月到蓬萊夜未中又云錦繡春明花富貴琅玕晝靜竹平安再行至煙雲獻彩殿扁曰水木自親聯云彩雲寶樹瓊田曉仙露奇花瑞澗香皆慈禧御筆再行覩石盤針過小橋門扁曰川冰雲飛聯云天

外是銀河煙波宛轉雲中開翠幄香雨霏微再行至養雲軒懸二扁曰隨香曰含綠聯云羣玉爲峰樓臺移海上衆香是國花木秀人寰松柏森蔭結實繁垂中峙留住亭扁曰草木賁華曰文思光被皆乾隆御筆再行至瞰碧堂前爲寄瀾亭扁曰夕雲凝紫曰煙霞天成上歷排雲門扁曰光絢春華曰德音汪濊聯云復旦引星辰珠聯璧合順時調律呂玉節金和又云青瑣朗晨光塵徵六幕紫微回斗極瑞輯三階又云崧岳火雲垂九如獻頌瀛洲甘雨潤五色呈祥又云疊石起璠巒如山之壽引泉爲玉液在澤皆春又云捧日雲霞三島見隨風珠玉九霄聞又云暮靄朝嵐常自現側峯橫嶺盡來

叅皆慈禧御筆下歷秋水亭爲御舟泛湖登降處光緒題扁曰稟經製式曰鑿鑑可徵曰芳風詠時曰魚藻軒曰凌雲抗勢曰花雪表年再行至長廊慈禧扁曰清遠亭曰俯鏡清流曰雲郁河清聯云四時佳氣恒春樹一派祥光聚景園再行至清晏舫西有乾隆扁曰蔚翠曰霏香慈禧有聯云海宇又安天人歡喜春秋富麗山水清音以上皆萬壽山之陽西南各景新煥春光視昔之雪色冰痕迥異矣獨惜前來有幸得由排雲殿內入陟佛香閣轉輪藏銅亭衆香界中恣尋勝蹟今則因隆裕后崩宣統擬遷居此扉皆深鎖禁入綦嚴祇從闈畔盤桓縱觀景物然由煙嶼而折向西南依北山溪蔚呈

奇秀實多可以怡目悅情者豔陽欲午雲蔭颺香其景又堪
歷歷稱數焉

(二)自蔚翠門而登卅級橋亭上有乾隆題扁曰松聲曰雲巖曰
宿雲簷俯覽湖間尙存三五小舟或泛或泊鷗鳧千百羣戲
藻蘋隄畔簇柳縈絲碧搖波影鳥音篁籟風裏雜傳東爲迎
旭樓聯云玉砌朱蘭不雨亦潤池臺金碧倒影斜陽又云麗
藻星鋪雕文錦縟榆揚盛美宴集橫汾迤西有延清賞樓聯
云綵仗麗寅階星輝雲爛珠華凝甲籙氣淑年和下列銀杏
華較繁開梨棠牡丹亦偕雜值吐萼稍北有閣曰澄懷聯云
水木清華平分纖潤坐攬風月高處勝寒又云歌詠昇平觴

遊曲水池簾夕敞岫幌宵褰皆乾隆御筆折向北有穿雲殿
聯云遂館來風清檐駐月丹墀聚葉樓檻飛花再行至斜門
殿聯云玉簪遙峰晴嵐挂樹珠排華闕喬采飛霞旁有宮扁
曰小有天聯云陽暖留雲畫欄新錦繡亭虛待月福地小蓬
壺再循松逕盤屈陟半岡蹊漸歧微倏掩於亂蔓仰行數武
峻石嶄阻上現巍殿凌雲磴級崩頽無從攀覽第見碎散磚
甃蓬棘叢封園僮謂此亦兵燹使然前后未及復脩卽遭改
革楣存厓次尋認依稀題曰香巖宗印之閣聯云高閣周建
長廊四起夕秀方振天葩自芬再行觀層塔瓦燦黃光後有
景福閣聯云演迪洪疇維有九五福綏康寶祚至於億萬年

再行至含新亭扁曰意遲雲在又有圓朗齋有尋雲亭有寫秋軒題曰觀生意以上類爲慈禧所題乃山園後西南各景幽麗古豔間露荒涼芳卉茂林繽紛香色其美尙不可勝舉焉旁觀隔水之香山月崖蟾峰玉泉諸處寺苑聯連今未暇游因須探玩於本山之東近接在目者惠山怡春舊蹟也

(三)繞北岡以升山頂逕曲林幽東望京城煙痕縹緲園僮謂此山麓即昔所名惠山怡春諸苑東爲圓明園舊基密邇軍營警衛垣畔俯尋之至半嶺觀崇樓將圯尙存乾隆題額曰赤城霞起曰紫氣東來上列石闌猶堪登眺下經諧趣園題曰澆秋曰飲綠東偏有樂農軒有如意莊有平安室有永壽齋

囑新樓聯云瑤階晝永銅龍暖金鎖風清寶麝香又云萬年藤繞宜春苑百福香生避暑宮後有瀑布潺湲因溪環山下歸會於昆明湖未入湖時輒爲石灣所激宕或急流或伏逝或阻作渠沼灘湍故有是不平聲韻也樓之東爲知春亭慈禧有聯云七寶欄杆千歲石十洲煙景四時花扁曰引鏡聯云菱花曉映雕欄日蓮葉香涵玉沼波皆近溪池間者徐會澧寫橫楣曰蕩蕩夷庚物則由之蠢蠢庶類王亦柔之道之旣柔化之旣柔木以秋零草以春抽獸在于草魚躍順流四時遞謝八風代扇纖阿按畧星易其躔陸潤庠亦書以詩曰碧梧庭院夕陰涼珠幔雲屏四面張立斷瑤階明月影夜闌